

दे॒वो अ॒ग्निः स्वि॒ष्ट॒कृ॒दे॒वमिन्द्रं॑ वयो॒धसं॑ । दे॒वो दे॒वम॒-  
वर्द्ध॑यत् । अति॑च्छन्दसा छन्दसेन्द्रियं । स्र॒चमिन्द्रे॒ वयो॒-  
दध॑त् । वसु॒वने॑ वसु॒धेय॑स्य वेतु॒ यज॑ ॥ ५ ॥  
वि॒यन्तु॒ यज॑ वी॒तां यज॑ वी॒तां यज॑ वेतु॒ यज॑ वेतु॒ यज॑  
पञ्च॑ च ॥ अनु० २० ॥

दे॒वं ब॒र्हिर्गा॑यत्रि॒या तेजः॑ । दे॒वीर्द्वार॑उ॒ष्णिहा॑ पा॒णं ।  
दे॒वी दे॒वमु॒षे अनु॑ष्टुभा॒ वाचं॑ । दे॒वी जो॒ष्टी वृ॒हत्या  
श्रो॒त्रं । दे॒वी ऊ॒र्जा हु॑ती प॒ङ्क्त्या॑ शु॒क्रं । दे॒वा दे॒व्या हो॒-  
ता॒रा त्रि॒ष्टुभा॒ त्विषिं॑ । दे॒वीस्ति॒स्रस्ति॒स्रो दे॒वीः पतिं॑  
जग॑त्या बलं । दे॒वो नरा॑श॒सो वि॒राजा॑ रेतः । दे॒वो  
वन॑स्पतिर्द्वि॒पदा॑ भगं । दे॒वं ब॒र्हिर्वारि॑तीनां क॒कुभा॒-  
यशः॑ । दे॒वो अ॒ग्निः स्वि॒ष्ट॒कृ॒दति॑च्छन्दसा स्र॒चं । वेतु॒ वि॒य॒-  
न्तु चतु॑र्वी॒तामे॒को वि॒यन्तु॒ चतु॑र्वेतु । अ॒व॒वर्द्ध॑यद॒वर्द्ध॑यच्च॒-  
तुर॑वर्द्धतामे॒कोऽव॒वर्द्ध॑यच्चतुर॑वर्द्धयत्\* ॥

स्वा॒दीं त्वा सोमः॑ सुरा॒वन्तः॑ सी॒सेन॑ मि॒त्रोऽसि॑ य॒-  
दे॒वा हो॑ताय॒क्षत्स॒मिधेन्द्रः॑ स॒मिद्ध॒इन्द्र॒आच॑र्षणि॒ प्रा  
दे॒वं ब॒र्हिरिन्द्रः॑ सु॒देवः॑ हो॒ताय॒क्षत्स॒मिधा॒ग्निः स॒मि॒-  
द्धो अ॒ग्निर॒श्विना॒श्विना॑ ह॒विरिन्द्रि॒यं दे॒वं ब॒र्हिः सर॑स्व॒-

\* देवमित्याद्यवर्द्धयदित्यन्तः प्रयोगः B पुस्तके नास्ति । † बर्हिरिन्द्रः सुदेवः  
होता इति वा पाठः B. C. D. E.